

Մ Ե Թ Ո Ղ Ի Կ Ա

Այլ սպառողների (ենթասպառողների) կամ մատակարարի այլ ցանցերի սնման համար սպառողի մատուցած ծառայության վճարների չափի հաշվարկման

Սույն մեթոդիկան սահմանում է էլեկտրամատակարարող ընկերության (այսուհետև՝ մատակարար) կողմից սպառողի էլեկտրակայանքներով այլ սպառողներին (ենթասպառողներ կամ մատակարարի այլ ցանցեր) սնելու համար սպառողի մատուցած ծառայության վճարների ամսական չափի (այսուհետև՝ ծառայության վճարի չափ) հաշվարկման կարգը:

1. ԸՆԴՀԱՆՈՒՐ ԴՐՈՒՅԹՆԵՐ

1.1 Մատակարարի կողմից հատուցման ենթակա են սպառողի կատարած այն լրացուցիչ ծախսերը, որոնք առաջանում են այլ սպառողների էլեկտրամատակարարումն ապահովելու նպատակով տվյալ սպառողի սեփականությունը հանդիսացող կամ տնօրինության տակ գտնվող էլեկտրակայանքների շահագործման ընթացքում:

Եթե տվյալ ամսում այլ սպառողների էլեկտրաէներգիայի ծախսը հավասար է զրոյի, ապա մատակարարի կողմից սպառողին փոխհատուցում չի տրվում և 2.1 կետի համաձայն հաշվարկվող C գումարն ընդունվում է հավասար զրոյի:

1.2 Սույն մեթոդիկայի համաձայն հաշվարկված ծառայության վճարի չափին անհամաձայնությունը չի կարող հիմք հանդիսանալ այլ սպառողների էլեկտրամատակարարման դադարեցման համար:

2. ՍՊԱՌՈՂԻ ՄԱՏՈՒՑԱԾ ԾԱՌԱՅՈՒԹՅԱՆ ՎՃԱՐԻ ՉԱՓԻ ՀԱՇՎԱՐԿՈՒՄԸ

2.1 Այլ սպառողներին սնելու համար սպառողի մատուցած ծառայության վճարի չափը հաշվարկվում է հետևյալ բանաձևով՝

$$C = A + K \quad (1)$$

որտեղ՝

C ծառայության վճարի չափն է (դրամ/ամիս՝ առանց ԱԱՀ-ի),

A այլ սպառողների էլեկտրամատակարարման նպատակով սպառողի էլեկտրակայանքների սպասարկման համար անհրաժեշտ լրացուցիչ ծախսերի մեծությունն է (դրամ/ամիս),

K այլ սպառողների էլեկտրամատակարարման հետևանքով սպառողի տրանսֆորմատորում և գծերում առաջացող կորուստների դիմաց փոխհատուցվող ամսական գումարն է (դրամ/ամիս):

2.2 Այլ սպառողների էլեկտրամատակարարման նպատակով սպառողի էլեկտրակայանքների սպասարկման համար առաջացող լրացուցիչ ծախսերի մեծությունը հաշվարկվում է հետևյալ բանաձևով՝

$$A = \alpha_1 \times (n_1 + n_2 / 2) + \alpha_2 \times (n_3 + n_4 / 2) + W_{\text{էլթ}} \times (\alpha_3 + \alpha_4 + \alpha_5 + \alpha_6 + \alpha_7) \quad (2)$$

որտեղ՝

α_1 1 բջջի օգտագործման համար, դրա շահագործման նպատակով, սպառողին փոխ-հատուցվող ծառայության վճարի չափն է (4800 դրամ/ամիս՝ առանց ԱԱՀ-ի),

n_1 110, 35, 6(10) կՎ լարման ենթակայաններում միայն այլ սպառողների էլեկտրամատակարարման ապահովման նպատակով օգտագործվող բջիջների գումարային քանակն է,

n_2 110, 35, 6(10) կՎ լարման ենթակայաններում սպառողի և այլ սպառողների էլեկտրամատակարարման ապահովման նպատակով համատեղ օգտագործվող բջիջների ընդհանուր քանակն է,

α_2 1 միացման կետի օգտագործման համար, դրա շահագործման նպատակով, սպառողին փոխհատուցվող ծառայության վճարի ամսական չափն է (260 դրամ/ամիս՝ առանց ԱԱՀ-ի),

n_3 0,4 (0,23) կՎ լարման միացման կետերում միայն այլ սպառողների էլեկտրամատակարարման ապահովման նպատակով օգտագործվող միացման կետերի քանակն է,

n_4 0,4 (0,23) կՎ լարման միացման կետերում սպառողի և այլ սպառողների էլեկտրամատակարարման ապահովման նպատակով համատեղ օգտագործվող միացման կետերի քանակն է,

$W_{\text{էլթ}}$ սպառողի կողմից այլ սպառողներին հաղորդված ամսական էլեկտրաէներգիայի

քանակն է (կՎտժ), որը հաշվառվում է այլ սպառողների առևտրային հաշվառքի սարքերով,

- α_3 110 կՎ լարման ենթակայաններում, սպառողի փոխակերպիչների շահագործման նպատակով, 1 կՎտժ էլեկտրաէներգիայի փոխակերպման ծառայության վճարի չափն է (0,482 դրամ/կՎտժ՝ առանց ԱԱՀ-ի),
- α_4 35 կՎ լարման ենթակայաններում, սպառողի փոխակերպիչների շահագործման նպատակով, 1 կՎտժ էլեկտրաէներգիայի փոխակերպման ծառայության վճարի չափն է (0,863 դրամ/կՎտժ՝ առանց ԱԱՀ-ի),
- α_5 6(10) կՎ լարման ենթակայաններում, սպառողի փոխակերպիչների շահագործման նպատակով, 1 կՎտժ էլեկտրաէներգիայի փոխակերպման ծառայության վճարի չափն է (0,97 դրամ/կՎտժ՝ առանց ԱԱՀ-ի),
- α_6 սպառողի 6(10) կՎ լարման էլեկտրահաղորդման գծերի շահագործման նպատակով 1 կՎտժ էլեկտրաէներգիայի տեղափոխման ծառայության վճարի չափն է (0,465 դրամ/կՎտժ՝ առանց ԱԱՀ-ի),
- α_7 սպառողի 35 կՎ և 110 կՎ լարման էլեկտրահաղորդման գծերի շահագործման նպատակով 1 կՎտժ էլեկտրաէներգիայի տեղափոխման ծառայության վճարի չափն է (0,825 դրամ/կՎտժ՝ առանց ԱԱՀ-ի):

2.3 Եթե այլ սպառողների էլեկտրամատակարարման նպատակով սպառողն օգտագործում է մեկից ավելի ենթակայաններ կամ էլեկտրահաղորդման գծեր, ապա սույն կարգի 2.2 կետում բերված A մեծությունը հաշվարկվում է դրանցից յուրաքանչյուրի համար առանձին: Ընդ որում, A մեծությունը չի կարող գերազանցել աղյուսակ 1-ում բերված սահմանային արժեքները յուրաքանչյուր ենթակայանի կամ էլեկտրահաղորդման գծի համար:

աղյուսակ 1

Սպառողի սնման լարումը	Սպառողի ենթակայանի փոխհատուցվող շահագործման ծախսերի սահմանային մեծություն	Սպառողի էլեկտրահաղորդման գծերի փոխհատուցվող շահագործման ծախսերի սահմանային մեծություն
	(դրամ/ ամիս, առանց ԱԱՀ-ի)	(դրամ/ամիս, առանց ԱԱՀ-ի)
6(10) կՎ	54 000	10 000
35 կՎ	216 000	17 000
110 կՎ	432 000	18 000

2.4 Այլ սպառողների էլեկտրամատակարարման հետևանքով սպառողի տրանսֆորմատորներում և էլեկտրահաղորդման գծերում առաջացող կորուստները փոխհատուցող գումարը (K) հաշվի է առնվում բանաձևում, եթե դրանք ներառվում են սպառողի կողմից վճարման ենթակա էլեկտրաէներգիայի քանակության մեջ: Այն որոշվում է հետևյալ բանաձևով.

$$K = W_{\text{ենթ}} \times T \times (\alpha_8 + \alpha_9) / (100 - \alpha_8 - \alpha_9) \quad (3)$$

որտեղ՝

T սպառողի համար էլեկտրաէներգիայի սակագինն է (ցերեկային, դրամ/կՎտժ՝ առանց ԱԱՀ-ի՝,

α_8 կորուստներն են տրանսֆորմատորներում (%), որոնք ընդունվում են հավասար 1,3-ի, եթե սպառողը հանդիսանում է 6(10³ կՎ ուղիղ բջջով սնվող, կամ սնվում է 35 կՎ և բարձր լարումով,

α_9 կորուստներն են գծերում (%), որոնք ընդունվում են հավասար 2-ի՝ անկախ սպառողի սնման լարման մակարդակից:

2.5 ՀՀ հանրային ծառայությունները կարգավորող հանձնաժողովի կարգավորման ոլորտում գտնվող և հանձնաժողովի կողմից հաշվարկված սակագներով գործունեություն իրականացնող լիցենզավորված անձանց փոխհատուցվում է միայն այլ սպառողների էլեկտրամատակարարման հետևանքով նրանց տրանսֆորմատորներում և էլեկտրահաղորդման գծերում առաջացող կորուստների գումարը, որը հաշվարկվում է սույն կարգի 2.4 կետի համաձայն: